



TOSHKENT DAVLAT YURIDIK UNIVERSITETI REKTORINING B U Y R U G ' I

06.03.2024

145-tm-son

Xorijiy ta'lim muassasasida o'qishni davom ettirish to'g'risida

O'zbekiston Respublikasi Vazirlar Mahkamasining 2017-yil 20-iyundagi "Oliy ta'lim muassasalariga o'qishga qabul qilish, talabalar o'qishini ko'chirish, qayta tiklash va o'qishdan chetlashtirish tartibi to'g'risidagi nizomlarni tasdiqlash haqida"gi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 11-bandi va O'zbekiston Respublikasi Vazirlar Mahkamasining 2021-yil 10-iyundagi "O'zbekiston Respublikasi adliya vazirligi tizimidagi ta'lim muassasalarida kredit-modul tizimini joriy etish chora-tadbirlari to'g'risida"gi 359-son qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi nizom, shuningdek, Toshkent davlat yuridik universitetining Polshaning Adam Mickiewicz va Gdansk universitetlari bilan tuzgan anglashuv memorandumiga asosan hamda talabalar K.D.Esonov, D.A.Ma'murjonova, E.M.Mamurjonov, Sh.A.Seytnazarova, Sh.S.Ergashev, B.A.Sultanazarov, O.A.Alimov, Q.Sh.Xusenovlarning arizalariga ko'ra

B U Y U R A M A N:

1. Toshkent davlat yuridik universiteti Jinoiy odil sudlov fakultetida stipendiyasiz to'lov-kontrakt asosida ta'lim oluvchi 2-kurs talabasi Esonov Komron Doniyorovich va stipendiyasiz to'lov-kontrakt asosida ta'lim oluvchi 3-kurs talabasi Ma'murjonova Diyora Alibek qiziga Polshaning Adam Mickiewicz universitetida yurisprudensiya yo'nalishi bo'yicha 2023/2024-o'quv yilining ikkinchi semestri davomida (26.02.2024 – 07.07.2024) akademik almashinuvi dasturi bo'yicha;

stipendiyasiz to'lov-kontrakt asosida ta'lim oluvchi 2-kurs talabalari Mamurjonov Eldorbek Maxmud o'g'li va Seytnazarova Shaxsanem Adilbay kiziga, shuningdek, stipendiyasiz to'lov-kontrakt asosida ta'lim oluvchi 3-kurs talabalari Ergashev Shoxjahon Saydalim o'g'li, Sultanazarov Berdibek Adilbek uli, Alimov Oybek Alisher o'g'li va Xusenov Qosimmirzo Shahobiddinovichga Polshaning Gdansk universitetida yurisprudensiya yo'nalishi bo'yicha 2023/2024-

o'quv yilining ikkinchi semestri davomida (20.02.2024 – 30.06.2024) akademik almashinuvi dasturi bo'yicha o'qishini davom ettirishga ruxsat berilsin.

2. Uzrli sabablarga ko'ra talabalarga yuqorida ruxsat etilgan universitetlar bilan kelishgan holda o'qishni onlayn tarzda ham olib borishlari mumkinligi inobatga olinsin.

3. Xalqaro hamkorlik boshqarmasi (F.Umirov) va Jinoiy odil sudlov fakulteti dekanati (D.Kamalova) talabalarining akademik almashinuviga oid ma'lumotlarni tizimli ravishda yuritish, monitoring va tahlil qilinib borilishini ta'minlasin.

4. O'quv-uslubiy boshqarma (S.Bozarov) talabalar K.D.Esonov, D.A.Ma'murjonova, E.M.Mamurjonov, Sh.A.Seytnazarova, Sh.S.Ergashev, B.A.Sultanazarov, O.A.Alimov, Q.Sh.Xusenovlarning xorijiy oliy ta'lim muassasasida o'qigan davri va o'zlashtirgan fanlarini tasdiqlovchi xorijiy oliy ta'lim muassasasining ma'lumotnomasi taqdim etilgandan so'ng, mazkur talabalarining universitet o'quv rejasi va dasturlarining tegishli qismlarini o'zlashtirgan deb topish masalasini universitet Kengashiga kiritilishini ta'minlasin.

5. Jinoiy odil sudlov fakulteti dekani D.Kamalova talabalarining shaxsiy yig'ma jildiga mazkur buyruq nusxasi tikilishini ta'minlasin.

6. Mazkur buyruq ijrosini nazorat qilishni o'z zimmasida qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA

**Kelishildi:**

Boshqarma boshlig'i

F.UMIROV



Boshqarma boshlig'i

S.BOZAROV



Katta yuriskonsult

A.TURSUNOV



Bo'lim boshlig'i

S.RAJABBOYEV

